



## Universitätsbibliothek Paderborn

**Novæ Observationes Et Additiones Ad A. R. P. D.  
Bartholomæi Gavanti Congreg. Cleric. Regul. S. Pauli ac  
Sac. Rit. Congregat. Consultoris Commentaria In Rubricas  
Missalis Et Breviarii Romani**

Adiectis Summorum Pontificum & Sac. Rit. Congreg. Decretis usque ad  
præsens emanatis

Complectens III. & IV. Partem Commentariorum Gavanti in Rubricas  
Missalis

**Merati, Gaetano Maria**

**Augustæ Vindelicorum, 1740**

**VD18 10783695-002**

De Rubricis propriis Missarum de Sanctis. XIII.

**urn:nbn:de:hbz:466:1-39964**

Stationum diem, & locum in Sacramentariis assignare. Stationes verò aliorum dierum, putà Quadragesimæ, quatuor Temporum, Adventus, Natalis Domini, Paschatis, & similium, cùm incertæ essent, eas in Sacramentariis designare opus erat, ut omnibus manifestaretur, ad quamnam Ecclesiam esset procedendum ad publicam Stationem. Unde S. Gregorius eas certis diebus in suo Sacramentario addixit, ut à cunctis dignosci possent Stationum loca.

Hæc diximus, ut nihil omitteretur eorum, quæ afferri poterant pro Gavanti, aliorumque sententia, quibus placet, ante Gregorium vagas fuisse Stationes; Ceterum si Kalendarium Romanum à Doctissimo Martene vulgatum tom. 4. Thes. Anecd. eam sibi antiquitatem vindicat, quam illi Auctor attribuit, fatendum est, Stationes Adventus, & Quadragesimæ, certis fuisse Ecclesiis addictas longè ante Gregorium, cùm in eo assignatae legantur. Verum quidem est, quod in Sacramentariis Gelasiano & Leonino, nullæ Stationes inveniuntur, necesse tamen non erat illas describere in Sacramentariis, cùm essent in Kalendario descriptæ. Quamvis autem fixa, ac ratae essent in Sacramentario Gregoriano Stationes, nibilominùs mos erat, eas Populo denunciari ab Archidiacono in publica Missa præcedente; Sed aliquando loco Archidiaconi id muneric præstabat Notarius, cuius rei insigne exemplum habetur ab Actis Leonis III. & refertur à Mabillon, ut suprà diximus.

Ad locum Stationum deferebantur ex Patriarchio Lateranensi libri, vasa Sacra, præsente Cruce Stationali; Pontificem in Sella

gestatoria eò portari mos erat; aliquando tamen equo vehebatur. Leo IV. instituit Crucem auream, quæ (in mos antiquiss. est, ait Anastasius) Subdiaconi manus forbatur predecessorum Pontificum. Presbyterii etiam, id est Erogationes fiebant, tum ob Ministrorum obsequia, tum ob laudes, & acclamations; immò Pontifex quandoque in ipso itinere causas finiebat, aut certe al ejus nutum, nomenculator & Sacellarius, in primo Ordine Romano num. 2. Hæc summatim collecta sunt ex iis, quæ tradidit Mabillon lo. cit. n. 5. Ceterum Stationes antiquiores esse Divo Gregorio, etiam alii argumentis constat, præsertim quia S. Hilarius, qui multo tempore ante Divum Gregorium Romanam rexit Ecclesiam, constituit in Urbe *Ministralis*, qui circuarent constitutas Stationes, ut refert Macrius in Hierolexico. *Statio. Ministrales* autem dicebantur Cœri illi, qui ad serviendum Missam in iis Ecclesiis, in quibus Stationes celebrabantur, erant statuti; sicut Subdiaconi Stationarii dicebantur illi, qui Pontifici in Stationum Ecclesiis Celebranti ministrabant.

Chronicorum Orientalium Auctor hunc usum Stationum Sancto Cyrillo refert acceptum, nullo tamen fundamento nixus, ut notat Grancolas lib. 2. suis Comment. His in Brev. Rom. cap. 44. quia Stationum ultra nonnisi in Occidente cognitus fuit. Reliqua ad hujusmodi Stationes spectantia legi poterunt apud allegatos Auctores ibidem, & apud Pompejum Ugonum in Historia Stationum Roma edita, & apud Omphalium Panvinium in Libello de Stationibus.

### Novæ Observationes, & Additiones ad Gavanti

#### Tit. XIII. De Rubricis propriis Missarum de Sanctis.

I. Gavant, pag. 218. col. 1. n. 3. *Nec que unquam fuisse verum, S. Ambrosium interdixisse Vigiliarum usum, &c.*) Errant igit-

tur illi, qui auctoritate cuiusdam asserti Sermonis S. Augustini ad Fratres in Eritia (qui est Ordine 25. juxta editionem veterem)

rem) affirmant, Divum Ambrosium, ad persuasionem D. Monica, usum Vigilarum ea de causa ab Ecclesia eliminasse, quod Christianorum plurimi illud noctis tempus ludendo, & Chorae ducento transigerent, nam hoc validis argumentis Baron. à Gav. citatus, in noctis Martyrologii ad quintam diem Januarii lit. A. falsissimum esse, & ab Augustiniano calamo alienum demonstrat. Igitur, ut ait idem Baronius ibidem, non Ambrosius, non Augustinus, ne calius Orthodoxorum iis temporibus, Vigilias nocturnas Ecclesiasticas abrogavit, vel minuit, sed impurissimus Hæretica Vigilantius, Vigilias, sui nonnihil hostis, impugnavit, sicque minuere conatus est, ut non nisi semel in Anno, in Paschali solemnitate, Vigilias peragendas esse jactaret: ita ex Hieronymo adverius Vigilantium, cuius intentio ad abrogandas in Ecclesia Dei Congregations tendebat; idem Baronius Anno 51. quæ o-

## Novæ Observationes, &amp; Additiones ad Gavanti

Tit. XIV. De Benedictione Candelarum, & Proceßione in Festo Purificationis Beatæ Virginis.

## De origine, &amp; antiquitate Festi Purificationis B. Virginis. §. I.

I. Gavant. pag. 219. col. 1. n. 1. *A Græcis Hypante, seu Hypapante, &c.*) Festum hoc Purificationis B. M. V. Græco nomine *Hypante*, seu *Hypapante* dicitur, quasi occursum, quo alicui honoris & officii gratia obviām itur. Quoniam verò hoc Festum institutum fuit a b Ecclesia in memoriam illius diei, quo Christo cum Matre & Josepho ad Templum accedenti obviām venerunt Simeon & Anna, gratulantes, & benedicentes Deo, ut habeatur etiam in Menologio Græco ad hanc diem, ideo in Ecclesia Orientali prædictum nomen *Hypante*, seu *Hypapante* sortitum est; ab aliquibus verò dicitur *Hypante Domini*; ab aliis autem *Hypante Simeonis & An-*

*næ*; sed à Theophylacto Simocatta lib. 8. Histor. cap. 4. appellatur quadragesima dies celebratatis Natalium Magni Dei Jesus. Ex præcepto siquidem Legis Mosaicae Mulier, quæ Masculum pepererat, elapsis quadraginta diebus purificabatur in Tabernaculo, & post Templum à Salomone constructum, in Templo, oblationibus à lego præscriptis, & quamvis purissima Dei Genitrix, quæ de Spiritu Sancto conceperat, nulla proflus Purificatione indigeret, & à predicta legis veteris dispositione immunis esset, ut certum est apud omnes, & clarè ostendit Laurentius Massei in suis eruditissimis notis ad Sigoniam Hebraeorum Rempublicam, quæ ex-

Tunc 3 tant